



**Zakon o privrednim društvima**

## **UP FBIH INSISTIRA NA JOŠ 20 AMANDMANA KOJE MINISTARSTVO NIJE USVOJILO**

**Zastoj pri registraciji privrednih subjekata**



**NA DUGOTRAJNIH AKTIVNOSTI KOJE JE  
SPROVODILO UP FBIH MINISTARSTVO  
PRAVDE KONAČNO OTLONILO  
PREPREKE U REGISTRACIJI PRIVREDNIH  
SUBJEKATA**

**100 najvećih u privredi BiH**



**ČLANICE UP FBIH SU VODEĆE KOMPANIJE  
U BIH PREMA OSTVARENIM  
REZULTATIMA U 2013. GODINI**

# ČLANICE UP FBIH SU VODEĆE KOMPANIJE U BIH PREMA OSTVARENIM REZULTATIMA U 2013. GODINI

Poslovne novine (izdanje Privredne štampe d.o.o. Sarajevo), članica Udruženja poslodavaca FBiH organizovala je Projekat 100 najvećih u privredi BiH, koji realizuju već 27 godina, i ove godine okrunjen je dodjelom priznanja vodećim kompanijama u BiH prema ostvarenim rezultatima u 2013. godini.

Na osnovu završnih računa koje je ove godine predalo 29.363 kompanije u BiH AFIP-u i APIF-u, Poslovne novine su, u saradnji sa Agencijom TEC, rangirale kompanije u BiH, prema postignutim rezultatima u u 2013. godini.

Rangirane su kao i obično velike, srednje i male kompanije prema ukupnom prihodu, neto dobiti, izvozu i investicijama. Za stavku investicija korištena je pozicija investicije gotovinskog toka.

Ove godine, kao i lani, rađeno je po određenim kriterijima: da se godinu na godinu izvještaj ne razlikuje više od 5%, da najmanje 70% dobiti dolazi iz

operativne dobiti, te da kompanija nije imala blokirane transakcione račune duže od 25 dana.

„Preko 800 kompanija koje su se i ove godine našle na našim rang-listama poruka su stranim ulagačima da BiH ima kompanije, resurse i kadrove koji mogu da se nose sa izazovima“, rekla je Alena Ahmetpahić - Fočo, urednica Poslovnih novina i specijalnog izdanja 100 najvećih u BiH.

Na prvih 10 mjesta rang lista velikih poduzeća, po ukupnom prihodu, po izvozu, , po investicijama, po neto dobiti , te na rang listama za srednja i mala poduzeća zauzimaju članice UP FBiH.

## PONOSNI NA NAŠE ČLANICE

Velike firme koje su dobile priznanje za ukupan prihod i izvoz u 2013. godini, te firme koje su dobile najviše priznanja u rangu srednjih i malih poduzeća su članice Udruženja poslodavaca FBiH.

Pored članstva ove kompanije učestvuju u samom kreiranju programa rada Udruženja, te aktivno učestvuju u radu naših upravnih tijela.

Prepoznajući ulogu i značaj Udruženja poslodavaca FBiH i uključujući se u rad upravnog odbora, ekonomsko-socijalnog vijeća komisija i pregovaračkih timova, ove, a i druge članice su omogućile da Udruženje postane respektabilna i reprezentativna poslodavačka organizacija.



Učesnici dodijele priznanja 100 najvećih u privredi BiH



### Mladen Pandurević direktor UP FBiH i Avdo Čaušević, direktor Privredne štampe

„Srebrni pečat“ - specijalno priznanje „Poslovnih novina“ za ukupne rezultate poslovanja u 2013. godini, koji podrazumijevaju doprinos razvoju bh. privrede i zapošljavanja, kao i doprinos lokalnoj zajednici dodijeljen je preduzeću Sisecam Soda Lukavac d.o.o.

Renomirana kompanija za proizvodnju lake i teške sode i drugih proizvoda od sode „Sisecam Soda Lukavac“ d.o.o. iz Lukavca u prošloj godini ostvarila je sveukupne dobre rezultate u odnosu na 2012. godinu: povećali su ukupne prihode za 9,36%; povećali su neto dobit za 67,1%, investicije za 28,6% i

izvoz za 5,9%.

Dobitnice specijalnih priznanja „Žene u biznisu - žene poduzetnice i menadžeri“ su Enisa Bekto, direktorica Bekto-Precise d.o.o i Ivana Bunoza, izvršna direktorica za ekonomske poslove JP Elektroprivreda HZ HB d.d. ostar

Poslovne novine dodijelile su i Priznanje Općini Tešanj za kreiranje povoljnog poslovnog ambijenta, u okviru projekta „Gradovi/opštine i biznis“.

Općina Tešanj je poznata po uspješnim domaćim firmama, a proizvodi iz ove općine se izvoze u 60 zemalja širom

svijeta. Obim izvoza Općine Tešanj je konstantno rastao i u 2013. godini je iznosio 325 miliona KM, što je za 44 miliona više u odnosu na 2012. godinu. Udio Općine Tešanj u izvozu FBiH iznosi 5,73% čime se svrstava među deset općina sa najvećim izvozom u FBiH u 2013. godini. U istom periodu registrovano je 460 novih radnih mjesta.

Ovogodišnje specijalno izdanje Poslovnih novina donosi i analize iz tri oblasti prerađivačke industrije u BiH sa najvećim operativnim prihodima. Iz analiza je moguće uočiti trendove u domenu prihoda, izvoza, strukture kapitala i prosječnog broja zaposlenih od 2009. do 2013. godine.

Prema dostupnim podacima iz navedenog perioda, ukupno smo obradili i analizirali na nivou BiH 1.184 kompanije u oblasti proizvodnje prehrambenih proizvoda, pića i duhana; za 1.429 kompanija koje se bave proizvodnjom drveta i proizvoda od drveta; za 1.038 kompanija koje se bave proizvodnjom baznih metala i metalnih proizvoda.

Objavljena je i analiza poslovanja prerađivačke industrije u Federaciji BiH, sa rejtingom privrednih društava. Obrađeni su i podaci za Federaciju BiH, odnosno 14 oblasti proizvodnje za 4.635 pravnih lica u prerađivačkoj industriji, koja je u 2013. ostvarila ukupan operativni prihod 8,6 milijardi KM; ukupni izvoz 3,5 milijardi KM, a broji oko 80 hiljada zaposlenih.

Prvi put rangiran je i bankarski sektor u BiH po neto dobiti ostvarenoj u 2013. godini.



Safudin Čengić, predsjednik UP FBiH uručuje nagradu Ensadu Kariću, direktor JP Autoceste BH

**Predsjednik UP FBiH Safudin Čengić je uručio nagradu Ensadu Kariću, direktoru JP Autoceste BH. Kompanija JP Autocesta BH je prva na rang listi velikih preduzeća po investicijama u 2013. godini.**

Najvrijedniju nagradu ovogodišnje dodjele priznanja sponzorirao je MCT - Menadžment Centar Turska. Riječ je o vaučeru u vrijednosti od 2.400 eura koji je uručen direktoru za ljudske resurse kompanije Sisecam Soda Lukavac za boravak u Istanbulu i prisustvo/kotizaciju na 15. marketinškoj

konferenciji, koja će se održati u decembru ove godine pod nazivom „Are You Ready to Change the Game?“.

Privredna štampa i Poslovne novine nisu ostale ravnodušne prema tragediji koja je zadesila poplavljena područja. Stoga smo predložili klijentima koji imaju potrebne proizvode da ih

doniramo u zajedničkoj akciji. Pridržili su nam se dm drogerie markt d.o.o. u BiH sa 3.500 KM u higijenskim sredstvima i Sarajevski kiseljak sa 500 KM u vodi, koje smo predali Crvenom krstu/križu FBiH i Crvenom krstu RS.



Učesnici 27. dodjele nagrade “100 najvećih u privredi BiH”



Safudin Čengić, predsjednik UP FBiH

# UP FBiH protiv usvajanja Prijedloga Zakona o izmjenama i dopunama Zakona o turističkim zajednicama



**Branka Đurić, Ministrica federalnog ministarstva okoliša i turizma**

Udruženje poslodavaca u FBiH uputilo zahtjev Vladi Federacije BiH da poduzme sve aktivnosti kako bi se Prijedlog Zakona o izmjenama i dopunama Zakona o turističkim zajednicama i unaprjeđenju turizma povukao iz parlamentarne procedure.

Na dnevnom redu sjednice Doma naroda koja je zakazana za 10. juli 2014. godine uvrštena je tačka: Prijedlog Zakon o izmjenama i dopunama Zakona o turističkim zajednicama i unaprjeđenju turizma u FBiH, čiji predlagači su Vesna Sardžić, zastupnica Doma naroda i Tomislav Martinović, predsjedavajući Doma naroda.

Imajući u vidu činjenicu da se radi o veoma ozbiljnom problemu Udruženje poslodavaca je hitno reagovalo i od Vlade Federacije BiH zatražilo da poduzme sve aktivnosti i pokrene inicijativu da se Prijedlog Zakona o izmjenama i dopunama Zakona o turističkim zajednicama povuče sa dnevnog reda sjednice Doma naroda PFBiH koja je zakazana za 10. juli 2014. godine.

Naime, Udruženje poslodavaca u FBiH je kao jednu od mjera za izlazak iz ekonomske i društvene krize u cilju rasterećenja privrede predvidjelo ukidanje članarine za turističke zajednice te iniciralo izmjene i dopune Zakona o turističkim zajednicama i unaprjeđenju turizma u Federaciji Bosne i Hercegovine.

Na sjednici ESV-a koja je održana 03.06.2014.godine pod tačkom 3. dnevnog reda se raspravljalo o Zakonu o izmjenama i dopunama Zakona o turističkim zajednicama i unaprjeđenju turizma u Federaciji BiH. Tom prilikom predstavnici UPFBiH su istakli niz nedostataka koji se odnose na parafiskalni namet vezan za turizam, kao i sam Zakon.

UPFBiH je također upoznalo članove ESV-a za teritorij FBiH o tome da je inicijativa za izmjene ove zakonske regulative ranije upućena prema Federalnom ministarstvu turizma, o kojoj se Ministarstvo nikada nije očitovalo.

Predstavnički dom Parlamenta Federacije je odbio da se izjasni o navedenom Zakonu jer je Ustavnom sudu upućen zahtjev za preispitivanje ustavnosti regulative vezane za turističke članarine i takse. Na pomenutoj sjednici ESV-a Premijer Vlade FBiH je istakao da se Federalno ministarstvo okoliša i turizma trebalo očitovati na upit poslodavaca.

S tim u vezi zaključak ESV-a je bio da Vlada Federacije BiH pokrene inicijativu za izmjene i dopune legislative kojima se regulišu članarine za turističke zajednice, te da ESV FBiH zatraži od Ministarstva okoliša i turizma FBiH da se očituje na prijedlog UPFBiH o izmjenam ove zakonske regulative.

Shodno navedenom UPFBiH je uputilo Zahtjev Vladi kao što je navedeno u tekstu. Također, pored navedenog UPFBiH je zatražilo da u skladu sa zaključcima sa sjednice ESV-a, Vlada FBiH pokrene inicijativu za izmjene i dopune Zakona o turističkim zajednicama i unaprjeđenju turizma u FBiH te Prijedlog izmjena i dopuna pripremi u saradnji sa Udruženjem poslodavaca u FBiH.

Kopiju zahtjeva UPFBiH je uputilo i predsjedavajućim oba doma Parlamenta FBiH, Federalnoj ministrici turizma i okoliša, te svim predsjedavajućim Klubova delegata naroda.

Na dnevnom redu sjednice Doma naroda koja je zakazana za 10. juli 2014. godine uvrštena je tačka: Zakon o izmjenama i dopunama Zakona o turističkim zajednicama i unaprijeđenju turizma u FBiH, čiji predlagači su Vesna Sardžić, zastupnica Doma naroda i Tomislav Martinović predsjedavajući Doma naroda.

Udruženje poslodavaca u FBiH je kao jednu od mjera za izlazak iz ekonomske i društvene krize u cilju rasterećenja privrede predvidjelo ukidanje članarine za turističke zajednice te iniciralo izmjene i dopune Zakona o turističkim zajednicama i unaprijeđenju turizma u Federaciji Bosne i Hercegovine.

Na sjednici ESV-a koja je održana 03.06.2014.godine pod tačkom 3. dnevnog reda se raspravljalo o Zakonu o izmjenama i dopunama Zakona o turističkim zajednicama i unaprijeđenju turizma u Federaciji BiH. Tom prilikom

predstavnici UPFBiH su istakli niz nedostataka koji se odnose na parafiskalni namet vezan za turizam, kao i sam Zakon. UPFBiH je također upoznao ESV da je inicijativa za izmjene ove zakonske regulative ranije upućena prema Federalnom ministarstvu turizma, ali se Ministarstvo nikada nije očitovalo.

Predstavnički dom Parlamenta Federacije je odbio da se izjasni o navedenom zakonu jer je Ustavnom sudu upućen zahtjev za preispitivanje ustavnosti regulative vezane za turističke članarine i takse.

Na pomenutoj sjednici ESV-a Premijer Vlade FBiH je istakao da se Federalno ministarstvo okoliša i turizma trebalo očitovati na upit poslodavaca.

S tim u vezi zaključak ESV-a je bio da Vlada Federacije BiH pokrene inicijativu za izmjene i dopune legislative kojima se regulišu članarine za turističke

zajednice, te da ESV FBiH zatraži od Ministarstva okoliša i turizma FBiH da se očituje na prijedlog UPFBiH o izmjenama ove zakonske regulative.

Imajući u vidu navedene činjenice te da se radi o veoma ozbiljnom pitanju molimo vas da pokrenete inicijativu da se Prijedlog Zakona o izmjenama i dopunama Zakona o turističkim zajednicama povuče sa dnevnog reda sjednice Doma naroda PFBiH koja je zakazana za 10. juli 2014. godine.

Također vas molimo, da shodno zaključcima sa sjednice ESV-a Vlada FBiH pokrene inicijativu za izmjene i dopune Zakona o turističkim zajednicama i unaprijeđenju turizma u FBiH, te Prijedlog izmjena i dopuna pripremi u saradnji sa Udruženjem poslodavaca u FBiH. Nadamo se da ćete ovo pitanje smatrati ozbiljnim, a naše zahtjeve opravdanim.



# PRIJEDOG ZAKONA O IZMJENAMA I DOPUNAMA ZAKONA O TURISTIČKIM ZAJEDNICAMA I UNAPRIJEĐENJU TURIZMA FBIH

**Kada je u pitanju članstvo u turističkim zajednicama, prema trenutnom zakonskom rješenju veoma je sporno ko su članovi TZ. Prema trenutnom rješenju turistička zajednica se osniva radi jačanja i unaprjeđenja turizma i ekonomskih interesa pravnih i fizičkih osoba u djelatnostima ugostiteljstva i turizma i s tim djelatnostima neposredno povezanih djelatnosti. Odluka o klasifikaciji djelatnosti u BIH 2010, objavljena u Službenom glasniku BIH br. 47/10, koju je donijela Agencija za statistiku BiH ne propisuje turističku djelatnost, a samim tim ni djelatnosti koje su u neposrednoj vezi sa turizmom.**

Ustavni osnov za donošenje ovog Zakona sadržan je u članu III. 2.h), u vezi sa članom III. 3 (3), Ustava Federacije Bosne i Hercegovine („Službene novine Federacije BiH“, broj: 1/94), prema kome Federalna vlast, kada se radi o zakonima i drugim propisima koji su obavezujući na području cijele Federacije Bosne i Hercegovine, ima pravo donositi zakone iz oblasti turizma. Dakle, imajući u vidu citiranu ustavnu odredbu, federalna vlast ima pravo donositi zakone i druge propise koji su obavezujući na području cijele Federacije.

Razlog za donošenje ovog Zakona je prvenstveno uvažavanje mišljenja socijalnih partnera i postupanje prema Zaključcima sa 107. tematske sjednice Vlade FBIH na kojoj se raspravljalo o mjerama za izlazak iz krize. UPFBiH je uputilo Prijedlog mjera za izlazak iz ekonomske i društvene krize koji je sastavni dio Programa rada Vlade FBIH. Jedna od hitnih mjera za rasterećenje privrede je ukidanje članarine u turističkim zajednicama. Također, u obrazloženju Ministarstva okoliša i turizma za sjednicu 107. tematske sjednice Vlade je navedeno da je cilj da se u narednom periodu radi na izmjeni i dopuni zakonske regulative vezano za turizam i turističke zajednice.

Nadalje, na sjednici ESV-a koja je održana 03.06.2014. godine jedna od tačaka dnevnog reda je bio Zakon o izmjenama i dopunama Zakona o turističkim zajednicama. Na pomenutoj sjednici jedan od zaključaka je bio da Vlada FBIH pokrene inicijativu za izmjenu legislative o parafiskalnim nametima.

Višegodišnje iskustvo je pokazalo da trenutno rješenje Zakona ima mnogo manjkavosti, kada je u pitanju članstvo u turističkim zajednicama te članarina za turističke zajednice. Članarina za turističke zajednice je posebno pitanje kao namet koji se nepravilno ubire i dijeli, odnosno poslodavci finansiraju TZ a prema trenutnim Zakonskim rješenjima ne mogu učestvovati u odlučivanju o načinu ubiranja i raspodjele što zahtjeva izmjene ove zakonske regulative.

Kada je u pitanju članstvo u turističkim zajednicama, prema trenutnom zakonskom rješenju veoma je sporno ko su članovi TZ. Prema trenutnom rješenju turistička zajednica se osniva radi jačanja i unaprjeđenja turizma i ekonomskih interesa pravnih i fizičkih osoba u djelatnostima ugostiteljstva i turizma i s tim djelatnostima neposredno povezanih djelatnosti. Odluka o klasifikaciji djelatnosti u BIH 2010, objavljena u Službenom glasniku BIH br. 47/10, koju je donijela Agencija za statistiku BiH ne propisuje turističku djelatnost, a samim tim ni djelatnosti koje su u neposrednoj vezi sa turizmom.

Obavezno članstvo u turističkim zajednicama također je u suprotnosti sa načelom slobode udruživanja. Pravo na slobodu udruživanja je jedno od osnovnih prava koja su zagarantovana Ustavom FBIH. Pravna i fizička lica udružuju se u cilju jačanja zajedničkih interesa. Prema tome obavezno udruživanje nije dobro rješenje u važećem zakonu i potrebno je izvršiti izmjene u smislu uvođenja dobrovoljnog članstva a što će proizvesti pozitivne rezultate u poslovanju turističke zajednice.

Uvođenjem dobrovoljnog članstva u turističkim zajednicama doći će do smanjenja parafiskalnih nameta koje plaćaju pravna i fizička lica, u vidu članarine turističkoj zajednici, a samim tim poboljšanja statusa poslodavaca i cjelokupnog privrednog ambijenta u Federaciji. Privredne komore su osnovane na dobrovoljnom članstvu, pa zašto ne bi bile i turističke zajednice.

Imajući u vidu sve navedene činjenice može se zaključiti da je ovo idealna prilika da se ovo pitanje konačno reguliše izmjenama i dopunama Zakona.

ZAKON O IZMJENAMA I DOPUNAMA ZAKONA O TURISTIČKIM ZAJEDNICAMA I UNAPRIJEĐENJU TURIZMA U FBIH

# UP FBIH INSISTIRA NA JOŠ 20 AMANDMANA KOJE MINISTARSTVO NIJE USVOJILO



Dana 30.06.2014. godine delegacija Udruženja poslodavaca u FBiH se sastala sa Ministrom za industriju, energiju i rudarstvo i Jasminom Pašić, pomoćnica Ministra. Na pomenutom sastanku razmatrani su amandmani na Nacrt Zakona o privrednim društvima koje je Udruženje poslodavaca u FBiH uputilo ovom Ministarstvu početkom juna, a nakon održanih javnih rasprava. Tom prilikom

minister Erdal Trhulj i Jasmina Pašić, pomoćnica Ministra za pravne i ekonomske poslove su informisali delegaciju UPFBiH da je od ukupno 35. amandmana koje uputilo UPFBiH 10 amandmana usvojeno u potpunosti, dok je 8 amandmana djelimično usvojeno.

Na sastanku je dogovoreno da će Ministarstvo uputiti novi tekst Nacrta Zakona UPFBiH na koje će Udruženje

ponovno moći dati svoje primjedbe. U tom smislu Ministarstvo industrije, energije i rudarstva FBiH je uputilo novi tekst Nacrta Zakona sa usvojenim primjedbama koji je dostavljen svim članovima UPFBiH i na koje je UPFBiH ponovno u petak 04.07.2014. godine uputilo zahtjev Ministarstvu da ponovno revidiraju i usvoje 17 amandmana koja smo ranije upućivali ovom Ministarstvu i 3 nova amandmana. Prilikom izrade Prijedloga Zakona od ukupno 20 preostalih

amandmana samo 2 su usvojena.

UP FBiH će i dalje insistirati na svojim primjedbama na tekst Prijedloga Zakona o privrednim društvima.

Navedene primjedbe poslali smo zastupnicima Predstavničkog doma Parlamenta Federacija BiH i predsjedavajućim klubova poslanika političkih stranaka.

## Na insistiranje Udruženja poslodavaca Ministarstvo pravde odblokirale šestomjesečni zastoje registracije privrednih subjekata

U svim općinskim sudovima od 08.07.2014. godine je počela registracija više od 600 kompanija koje su čekale više od šest mjeseci za registraciju svog privrednog subjekta.

Kompanije nisu bile u mogućnosti registrovati se na sudu jer je, po Zakonu o registraciji poslovnih subjekata u FBiH, Ministarstvo pravde FBiH bilo dužno osigurati tehničku ispravnost i nadogradnju postojećeg elektronskog sistema, što do unazad nekoliko dana nije učinilo.

Udruženje poslodavaca FBiH je u zadnje vrijeme imalo na desetine primjedbi članstva o tome da zbog zastoja u radu registracionih sudova nisu u mogućnosti registrovati nove kompanije, niti izvršiti izmjene postojećih registracija. Posljednja u nizu pritužbi je od strane austrijskog investitora koji je pokrenuo proces registracije kompanije uz investiciju od preko tri miliona konvertibilnih maraka.

Direktor Udruženja Mladen Pandurević održao je dva sastanka sa Ministrom Zoranom Mikulićem od kojeg je

zatraženo da se navedeni problem pod hitno riješi te da se što prije otkolne prepreke koje su blokirale registraciju privrednih društava na sudovima, što prijeti nastankom milionskih šteta, kako za FBiH, tako i za privredna društva u cjelini.

Nakon urgencija advokatske komore, notarske komore i urgencija drugih organizacija i kompanija tek nakon stalnog insistiranja UP FBiH Ministarstvo je odblokiralo šestomjesečni zastoj registracije privrednih subjekata.





# UP FBiH na sjednici Odbora za ekonomsku i finansijsku politiku Parlamenta FBiH Predstavnički dom prezentiralo primjedbe na Nacrt Zakona o porezu na dobit FBiH



Dana 24.06.2014 godine održana je sjednica Odbora za ekonomsku i finansijsku politiku Predstavničkog doma Parlamenta FBiH, a na kojoj su prisustvovali i aktivno učestvovali predstavnici UPFBiH. Na dnevnom redu sjednice, između ostalog, raspravljalo se i o Nacrtu Zakona o porezu na dobit koji je od izuzetne važnosti za poslodavce. Predstavnici UPFBiH su članove Odbora i goste upoznali sa primjedbama UPFBiH na Nacrt Zakona o porezu na dobit ističući da je ponuđeni Nacrt Zakona o porezu na dobit FBiH znatno nepovoljniji za privrednike, u odnosu na postojeći zakon. Predstavnik UP FBiH je također istakao da je pomenuti Nacrt zakona potpuno neprihvatljiv i neopravdan, te da se odredbama novog Nacrta Zakona ukidaju porezne olakšice

izvoznici i investitorima. Mišljenja smo da će odredbe novog Nacrta zakona destimulativno djelovati na investicije i izvoz, a time i na proizvodnju, zapošljavanje i privredni razvoj.

Primjedbe su upućene Predsjedavajućem Odbora za ekonomsku i finansijsku politiku i Ministarstvu finansija FBiH. Ministarstvo finansija FBiH je ovom prilikom obećalo da će naše primjedbe pažljivo razmotriti te učiniti sve napore da one budu i prihvaćene i uvrštene u tekst Prijedloga Zakona o porezu na dobit. Zastupnici Predstavničkog doma, a koji su članovi Odbora, su podržali naše primjedbe i sugerirali predstavnicima Ministarstva finansija da ih prihvate i ugrade u konačni tekst Prijedloga Zakona o porezu na dobit.

Jedan od zaključaka sjednice Odbora

je bio da su Nacrt Zakona uputi na sjednicu Predstavničkog doma uz napomenu da će se primjedbe UPFBiH uvrstiti u konačan prijedlog Zakona, te da Parlament Nacrt Zakona uputi u javnu raspravu koja će trajati 60 dana. Predstavnici Ministarstva finansija FBiH su također istakli da su planirali održati i nekoliko okruglih stolova o Nacrtu ovog Zakona na kojem će se iznositi primjedbe, a koji će poslužiti za izradu što kvalitetnijeg teksta Zakona o porezu na dobit.

Amandmane Udruženje poslodavaca u FBiH koji su prezentirani na pomenutoj sjednici možete vidjeti OVDJE.

# PRIJEDLOG ZAKONA O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA

**Zakon o registraciji poslovnih subjekata u Federaciji BiH („Službene novine Federacije BiH“, br. 27/05, 68/05 i 43/09) je procesni zakon koji reguliše dio oblasti čija je implementacija direktno povezana za ostvarenjem postavljenih ciljeva Vlade Federacije BiH. Zakon je do danas pretrpio tri izmjene i dopune, a njegovom primjenom, utvrđeno je da je navedenim izmjenama postupak registracije društva u Federaciji BiH postao još komplikovaniji i skuplji, te da kao takav predstavlja prepreku potencijalnim investitorima u pokretanju poslovanja u Federaciji BiH.**

Uvođenje obaveze notarske ovjere određenog broja akata, predstavlja klasičan parafiskalni namet za poslodavce. Naime materijalnim zakonom se uvede određena nadležnost za postupanje određenog organa, u ovom slučaju notara, a na osnovu toga poslodavac mora da plaća tu obavezu. U ovom slučaju, sasvim otvoreno, treba reći da je takva odredba unijeta u zakon da bi se pogodovalo notarima.

Notari imaju sve veću ulogu u osnivanju privrednih društava, prenosu udjela i statusnim promjenama u mnogim zemljama Evrope i svijeta. Vidjeti propis Savjeta Evrope (CC) br. 2157/2001 od 08.10.2001. godine o Statutu evropskog preduzeća (SE) i Direktivu 2005/56/EC Evropskog parlamenta i Savjeta od 26.10.2005. godine. Notari imaju nadležnost da vrše kontrolu zakonitosti svih radnji potrebnih za osnivanje privrednih društava i registraciju izmjena u sudskom registru, elektronski ulažu dokumente u trgovačke registre i da izdaju izvode iz tih registara. Notar stručnim znanjem, poštujući propisanu formu, obezbjeđuje sigurnost prava stranaka, koje mu se obrate za pravnu uslugu.

Naglasak je na, koje mu se obrate za pravnu uslugu, a ne da se zakonom stranke primoravaju na takvu uslugu. Ne postoji zemlja u svijetu u kojem notari u ovoj oblasti imaju ekskluzivitet u odnosu na recimo, advokate ili pravnike u poslovnim subjektima. Nije sporno da notari imaju nadležnost za postupanje u ovoj pravnoj stvari, ali je sporno ako imaju ekskluzivitet.

Konsultujući praksu susjednih i većine EU zemalja, utvrdili smo da je većinska praksa da se ne spominju notarski ovjereni dokumenti nego samo notarski ovjereni potpisi. U svim zemljama u okruženju od kojih su dvije i u EU ne postoji obaveza notarske obrade akata za registraciju poslovnih subjekata (Srbija, Hrvatska, Makedonija, Slovenija, C. Gora)

Zakoni o notarima u FBiH propisuju obavezno učešće notara u kreiranju odluka privrednih društava, koji će kasnije predstavljati osnov za registraciju novih privrednih društava, ili registraciju izvršenih izmjena kod postojećih privrednih društava kod registracionog suda. Imajući u vidu relativno visoke iznose notarskih naknada koje plaćaju privredna društva, trebalo bi pojednostaviti postupke izmjena osnivačkih akata isključivanjem obaveze notarske obrade internih akata privrednih društava iz odgovarajućih Zakona o notarima.

Vijeća Stranih investitora je također dalo preporuke (Bijele knjige 2012/2013) koje se odnose na izmijenu zakone o notarima na način da se ili briše obaveza notarske obrade akata privrednih društava, ili na notare prenese obaveza ispitivanja ispunjenosti svih uslova i postojanja dokumentacije potrebne za donošenje odluka koje obrađuju i njihovu registraciju u nadležnom registracionom sudu. U drugom slučaju, potrebno bi bilo izmijeniti i entitetske zakone o registraciji poslovnih subjekata u smislu da se ograniči funkcija registracionog suda na registraciju notarski obrađenih odluka te u skladu sa smanjenom funkcijom i odgovornostima registracionih sudova, izmijeniti i zakone o sudskim taksama sa ciljem smanjenja sudskih taksi, koje se plaćaju za registraciju notarski obrađenih odluka o osnivanju novih privrednih društava ili izmjenama kod postojećih privrednih društava.

**ZAKON O IZMJENAMA I DOPUNAMA ZAKONA O REGISTRACIJI POSLOVNIH SUBJEKATA**

# UDRUŽENJE TRAILO POVLACHENJE ZAKONA O INSPEKCIJAMA FEDERACIJE BIH IZ PARLAMENTARNE PROCEDURE

Udruženje poslodavaca u FBiH je u toku procedure donošenja Zakona o inspekcijama upozoravalo da je Nacrt Zakona dosta poboljšana u odnosu na postojeći Zakon i da je dobra osnova za donošenje Zakona, ali da se određena rješenja moraju promijeniti.

U tom smislu Udruženje poslodavaca je uputilo svoje primjedbe u formi amandmana na Prijedlog Zakona o izmjenama i dopunama kada je bio na usvajanju na predstavničkom Doma Parlamenta FBiH. Međutim, niti jedna primjedba UPFBiH nije usvojena od strane Predstavničkog doma, a Prijedlog Zakona je po hitnom postupku upućen na usvajanje na sjednicu Doma naroda.

Imajući u vidu da primjedbe UPFBiH nisu ugrađene u Prijedlog Zakona o inspekcijama koji je po hitnom postupku upućen na usvajanje u Dom naroda, UPFBiH je zatražilo od

Predsjedavajućeg Doma Naroda da Zakon povuče sa Dnevnog reda i vrati u redovnu proceduru kako bi mogli preko ovlaštenih predlagača djelovati amandmanski.

Tom prilikom UPFBiH je zahtjevalo da se na sjednici Doma naroda, a koja je održana 30.06.2014., omogući obraćanje i direktora UPFBiH koji će obrazložiti amandmane. U tom smislu na sjednici UPFBiH direktor Mladen Pandurević je zahtjevaio da se Zakon povuče iz parlamentarne procedure.

Bez obzira na institiranje Udruženja poslodavaca u FBiH Prijedlog Zakona o inspekcijama je usvojen na sjednici Doma naroda Predstavničkog doma 30.06.2014. godine po hitnom postupku. Obrazloženje za usvajanje ovog Zakona po hitnom postupku od strane Parlamenta FBiH je bilo da je jedan uslov za odobravanje kredita i donošenje Zakona o inspekcijama.

Zakon o inspekcijama koji je usvojen na Domu naroda jeste dosta poboljšana u odnosu na postojeći Zakon, ali svakako ima nedostaka koji se žele poboljšati izmjenama i dopunama.

Shodno navedenom Udruženje poslodavaca u FBiH je pripremlilo Prijedlog Zakona o izmjenama i dopunama Zakona o inspekcijama koji će uputiti Vladi sa zahtjevom da pokrene inicijativu za donošenje istih.

Prijedlog Zakona o izmjenama i dopunama Zakona o inspekcijama UPFBiH će također biti na dnevnom redu sjednice ESV-a koja je zakazana za 22.07.2014. godine. Navedeni Prijedlog Zakona možete naći na sljedećem linku.



Okrugli sto "Zakon o inspekcijama" održan 14. novembar 2013. godine

# AMANDMANI NA NACRT ZAKONA O IZMJENAMA ZAKONA O FEDERALNIM UPRAVNIM TAKSAMA I TARIFI FEDERALNIH UPRAVNIH TAKSI

**Zakonom o izmjenama i dopunama Zakona o federalnim upravnim taksama i tarifi federalnih upravnih taksi Službene novine broj: 08/00 i 43/13 , znantno su uvećani iznosi tarife federalnih upravnih taksi. Kada su u pitanju privredne takse koje su regulisane tarifom 8. do 18. došlo je do povećanja za 50 % i više. Povećanjem administrativnih taksi koje se odnose na privredu, poslodavcima se onemogućava adekvatan privredni ambijent i poslovanje. Naime, dolazi do težeg i sporijeg pristupa informacijama i uslugama za sve privredne subjekte.**

Tako naprimjer tarifni broj 8. u svim tačkama predviđa povećanje taksi u tačkama 1.,2. i 4.( tačka 1. Iznos 100 KM se zamjenjuje iznosom 200 KM a to je taksa koja se plaća za rješenje kojim se odobrava osnivanje ili obavljanje djelatnosti preduzeća, banke društva za osiguranje odnosno reosiguranje organizacije u inozemstvu ili otkup osnivačkog uloga u poduzeće, banke i Društva za osiguranje/reosiguranje organizacije u inozemstvu; tačka 2. Istog tarifnog broja povećava se sa 50 KM na 150 KM, te tačka br. 4 istog tarifnog broja previđa povećanje iznosa takse sa 50 KM na 100 KM).

Tarifni broj 13. koji previđa taksu za upis u evidenciju ugovora o zastupanju, ugovora o prodaji strane robe s konsignacionog skladišta, ugovora o obavljanju servisnih usluga za održavanje uvezene opreme i evidenciju ugovora o zastupanju strane pravne osobe, te iznos iste takse povećava sa 100 na 250 KM.

Iznos privrednih taksi treba biti proporcionalan stepenu ekonomskog razvoja države, odnosno privredne takse moraju biti primjerene mjesečnim i godišnjim prihodima privrednih subjekata. U FBiH privredne takse nisu proporcionalne ekonomskoj snazi države. Naime, prosječna plata u FBiH iznosi 836, 00 KM, a iznos takse za zahtjev iznosi 5 KM. U zemljama regiona iznos prosječne neto plaće je viši nego u FBiH i do 40%, a iznos privrednih taksi u odnosu na iste takse u FBiH je viši samo za 2-3%.

Naprimjer, u Hrvatskoj prosječna neto plata za mjesec april 2014. godine iznosi 5497 kuna (1454,23 KM), a administrativne takse npr. za zahtjeve pravnih i fizičkih lica iznose 20,00 kuna ( 5,29 KM). Slična situacija je i sa Srbijom, u nešto manjem omjeru.

U Hrvatskoj su također predviđena smanjenja administrativnih taksi. Prema Državnom proračunu za period 2014-2016 godina, koje je izradilo Ministarstvo finansija Republike Hrvatske, predviđeno je smanjenje koeficijenta na osnovu kojeg se obračunavaju administrativne takse i druge naknade. Prema tom dokumentu predviđeni koeficijenti od aministrativnih pristojbi i po posebnim propisima iznose:

Godina:	2012	2013	2014	2015	2016
Koeficijent:	1,4	1,4	1,4	1,3	1,3

U FBiH prema Okvirnom državnom proračunu Federacije BiH za period 2014.-2016 koje je izradilo Federalno ministarstvo finansija u junu prošle godine predviđa se povećanje prihoda od administrativnih taksi i drugih naknada.

Moramo ići ka smanjenju administrativnih taksi za privredne subjekte, kako ne bismo u još jednom segmentu zaostajali za državama regiona. Imajući u obziru ekonomsku krizu koja je već dugo prisutna u BiH, smanjenje privrednih taksi je neophodno. Mišljenja smo da bi predložene izmjene dovele do lakšeg, efikasnijeg i jeftinijeg pristupa informacijama i uslugama, kao i stvaranju adekvatnog privrednog ambijenta za privredne subjekte.

**Dosadašnji član 1. i 2. postaju članovi 2. i 3.**

# Održana dvodnevna konferencija "Društveno odgovorno poslovanje za razvoj zajednice"



## Ključna poruka poslana s konferencije "Društveno odgovorno poslovanje za razvoj zajednice - iskorak naprijed za civilno društvo u BiH"

U Sarajevu je 23. i 24.06. održana dvodnevna konferencija "Društveno odgovorno poslovanje za razvoj zajednice - iskorak naprijed za civilno društvo u Bosni i Hercegovini". Konferencija je počela predstavljanjem dobrih praksi EU projekata, te Hrvatske i Turske, a drugi dan je bio u znaku bh. primjera dobrih društveno odgovornih praksi i projekata usmjerenih na promociju modela društvene i korporativne odgovornosti u BiH.

Ključna poruka poslana s konferencije "Društveno odgovorno poslovanje za razvoj zajednice - iskorak naprijed za civilno društvo u BiH" jeste ohrabrenje i poticaj civilnom sektoru u BiH da iskoristi svoje potencijale i uključi ostale aktere, naročito biznis sektor i akademsku zajednicu, u svojim lokalnim zajednicama da zajedno otvore put razvoju društva u kojem djeluju i žive.

Ured projekta TACSO (Tehnička podrška organizacijama civilnog društva) u Bosni i Hercegovini, organizator konferencije, pripremio je dvodnevni program koji je omogućio pogled iz različitih perspektiva, te razmjenu

iskustava i najboljih praksi u oblasti društveno odgovornog poslovanja i korporativne filantropije među bh. organizacijama civilnog i poslovnog sektora.

Tokom prvog dana konferencije pokazane su prakse iz Hrvatske i Turske kroz prezentovanje projekata EU modela strateškog pristupa društveno odgovornom poslovanju.

Predstavnik UPFBiH je na konferenciji iznio nekoliko primjera saradnje poslodavaca sa nevladinim sektorom, kao i društveno odgovornog poslovanja kako u okviru Udruženja, tako i promjere pojedinačnih članova.

Konferencija je jedna od brojnih aktivnosti usmjerenih na jačanje kapaciteta civilnog društva u Bosni i Hercegovini u okviru TACSO projekta u BiH, koji finansira Evropska Unija.

# Prijavite se na Program javnih radova "Zajedno u obnovi"



Korisnici Programa javnih radova „Zajedno u obnovi“ su poslodavci registrovani u Federaciji BiH, i to: javna preduzeća, jedinice lokalne samouprave, federalne i kantonalne institucije/ustanove, poslovni subjekti i nevladine organizacije koje saraduju sa pomenutim institucijama na poslovima otklanjanja i ublažavanja štetnih djelovanja i posljedica prirodnih nesreća.

Program se realizuje s ciljem zapošljavanja/radnog angažovanja najmanje 2.000 osoba sa evidencije nezaposlenih priorititetno sa područja Federacije BiH ugroženih prirodnom nesrećom - poplavama i klizištima na poslovima otklanjanja i ublažavanja štetnih djelovanja i posljedica prirodnih nesreća.

Obrazac za prijavu, program i javni poziv možete preuzeti [OVDJE](#)

## FBiH: Odluka o privremenim mjerama za tretman klijenata pogođenih



Agencija za bankarstvo Federacije BiH je danas na sjednici Upravnog odbora donijela Odluku o privremenim mjerama za tretman kreditnih obveza klijenata koji su pogođeni elementarnim nepogodama, a u cilju ublažavanja negativnih efekata elementarnih nepogoda i olakšavanja otplate kreditnih obveza fizičkih i pravnih osoba s područja ugroženih poplavama.

Navedena odluka je uključila veći dio prijedloga koji su dostavljeni od Udruženja banaka BiH, a koji se odnose na podzakonske propise za čije je donošenje nadležna Agencija.

Donesenom odlukom se definira mogućnost moratorija na kreditne obveze i restrukturiranja kreditnih obveza.

U slučaju odobravanja i ugovaranja moratorija - odgode plaćanja, Odlukom je definirano maksimalno vrijeme trajanja moratorija do 12 mjeseci, ne duže od 30.09.2015.

godine, kao i maksimalna visina kamate koju banka može obračunavati za period trajanja moratorija.

Restrukturiranje kreditnih obveza, podrazumijeva novo potraživanje kojim su zamijenjene postojeće kreditne obveze klijenta u banci, što može da uključuje produženje roka vraćanja glavnice i/ili kamate, smanjenje kamatne stope, otpis dijela potraživanja, kapitalizaciju kamate, odobravanje novih kreditnih sredstava da bi se sanirale štete ili nastavio poslovni proces ili druge bitne promjene kojima se olakšava položaj klijenta.

Također, Odlukom su definirani i minimalni dokumenti koje klijent mora podnijeti uz zahtjev za odobravanje moratorija ili restrukturiranja kreditnih obveza, saopćio je Ured za informiranje Agencije za bankarstvo FBiH.

# „Poduzetničko učenje u obrazovnim sistemima BiH – faza 2“

Završen je posljednji od tri sastanka radnih grupa na projektu „Poduzetničko učenje u obrazovnim sistemima BiH – faza 2“, koji se od ponedjeljka održavaju na Vlašiću.

Udruženje poslodavaca FBiH ima svoje predstavnike u dvije od tri Radne grupe, a na ovom projektu radne grupe su ključna tijela za implementaciju projekta i izrađuju prijedloge svih izlaznih projektnih dokumenata (project outputs), te na taj način osiguravaju diseminaciju i održivost projektnih rezultata.

U svom radu radne grupe su podržane od strane ključnih i kratkoročnih stručnjaka koji pružaju stručnu podršku članovioma radnih grupa, delegiraju prijedloge na bazi dobrih EU i regionalnih praksi, organiziraju njihov rad i pružaju im druge vidove tehničke pomoći.

Jedan od glavnih zaključaka jeste taj da u nastavku ovog projekta treba maksimalno nastojati na animiranju i uključivanju što većeg broja sudionika, a naročito iz poslovne zajednice. Predstavnici poslovne zajednice će doprinijeti boljem razumijevanju poduzetničkih vještina i kompetencija, te kroz predstavljanje i eventualna predavanja o svojim iskustvima učestvovati u obrazovanju učenika i predavača u srednjim školama.

Pored ovog, navode se i sljedeći zadaci radnih grupa:

- Razviti modele školskih partnerstava i partnerstava politika za poduzetničko učenje;
- Dati doprinos u pripremi aktivnosti podizanja svijesti i predložiti ih za implementaciju te dati ulazne informacije za komunikacijski plan i kampanju;
- Pregled trenutnog stanja poduzetničkog učenja na svim nivoima (BiH, entiteti, kantoni, lokalni nivo ali i školski nivo i na nivou politika);
- Razviti sisteme prikupljanja odgovarajućih podataka kako bi se vršio monitoring napretka poduzetničkog učenja na svim nivoima;
- Pripremiti šablone za monitoring i evaluaciju;
- Razviti smjernice za partnerstva politika i školska partnerstva;
- Predložiti aktivnosti politika u odnosu na poduzetničko učenje koje će biti uključene u strateške dokumente na različitim nivoima;
- Identifikovati izvore finansiranja za promociju poduzetničkog učenja (pilot projekti, privatna i donatorska sredstva, kombinovano finansiranje).

Projekat „Poduzetničko učenje u obrazovnim sistemima u BiH – faza 2“ traje dvije godine, provodi ga konzorcij na čijem je čelu poljska konsultantska kompanija EPRD, a finansira Evropska Unija.



**Učesnici Radne grupe**

# Privredi BiH potrebne reforme i suzbijanje "sive ekonomije"

Bosna i Hercegovina ima jednu od najvećih stopa nezaposlenosti u odnosu na zemlje regiona, a posebno zabrinjava podatak da je 60 posto mladih nezaposleno – rekao je jučer u Banjoj Luci guverner Centralne banke BiH Kemal Kozarić.

To je, kaže, pokazatelj da svi nivoi vlasti u BiH treba da stave ekonomiju i zapošljavanje u fokus svojih prioriteta. Na seminaru, u okviru Foruma za prosperitet i zapošljavanje u Bosni i Hercegovini, Kozarić je rekao da je nažalost jedna trećina poslovno aktivnih u oblasti „sive ekonomije“.

"To znači da se 33 posto ekonomske aktivnosti u BiH nalazi u tom segmentu", upozorio je Kozarić. Protiv „sive ekonomije“ bori se i sindikat, kazala je Ranka Mišić, predsjednica Saveza sindikata RS-a, i istakla da se više od jedne trećina bruto društvenog proizvoda nalazi u sivoj zoni.

Osim suzbijanja „sive ekonomije“ preduslov za promjene treba da bude rasterećenje privrede i stabilna politička situacija.

Zamjenik šefa Delegacije Evropske unije u Bosni i Hercegovini Renzo Daviddi je rekao da bi ova rasprava trebalo da pomogne kako bi se došlo do preporuka za otvaranje novih radnih mjesta.

I ambasadorica Norveške u BiH Anne Vibeke Lilloe istakla je da BiH ima potencijala za razvoj, posebno u oblasti turizma, ali da je neophodno prethodno provesti hitne i dubinske reforme.

Forum za prosperitet i zapošljavanje, koji saziva specijalni predstavnik EU u BiH, ima za cilj identifikaciju mjera kojima bi se privukle investicije, proširio pristup privrednim mogućnostima, potaklo otvaranje novih radnih mjesta i unaprijedila socijalna zaštita.

Ovaj forum okuplja i druge zainteresovane strane i šire građanstvo Bosne i Hercegovine da bi se identifikovao paket konkretnih politika i mjera kojima će se pomoći privredi zemlje koju su nedavno teško pogodile razorne poplave.

**FORUM**  
**ZA PROSPERITET I ZAPOS LJAVANJE**  
**U BOSNI I HERCEGOVINI**

**Banja Luka 15. juli**

**GLEDAJ**  
**OD ČEGA ĆEŠ ŽIVJET!**

Logos: European Union, Centralna banka BiH, Vlada RS, Norwegian Embassy



## Sa Ministrom Trhuljem smo smo raspravljali o primjedbama poslodavaca na nacrt zakona i naišli na razumijevanje

**Pojednostavljenjem i usklađivanjem zakonskog okvira će biti otklonjene postojeće prepreke u postupku upisa društava u Registar, te će se umanjiti troškovi cjelokupnog procesa, vrijeme trajanja postupka i smanjiti broj neophodne dokumentacije.**



**Safudin Čengić, predsjednik UP FBiH**

Predsjednik i član nadzornog odbora nekog poduzeća, prema prijedlogu zakona o gospodarskim društvima koji je Vlada FBiH usvojila, ne može biti osoba osuđivana za krivično djelo i za prekršaj nespojiv s dužnošću u nadzornom odboru pet godina od dana pravosnažnosti presude, isključujući vrijeme zatvorske kazne, što u konačnici znači da osoba koja je osuđivana, nakon odslužene kazne, ponovo može doći na neku od funkcija u nadzornom odboru poduzeća. Ovim zakonom uređuju se osnivanje, poslovanje, upravljanje i prestanak gospodarskih društava u Federaciji BiH. Inače, Zakon o gospodarskim društvima je u primjeni od 1999. godine i od tada do danas je pretrpio niz izmjena i dopuna.

"Usvajanjem novog teksta zakona o gospodarskim društvima otklanjaju se svi postojeći nedostaci, omogućava modernizacija i unapređenje ovog propisa, te u potpunosti otklanja pravna nesigurnost i

jača konkurentnost tržišta FBiH, kao i jedinstveni ekonomski prostor u BiH, te kreiraju istovjetni kriteriji za registraciju i početak obavljanja djelatnosti. Pojednostavljenjem i usklađivanjem zakonskog okvira će biti otklonjene postojeće prepreke u postupku upisa društava u Registar, te će se umanjiti troškovi cjelokupnog procesa, vrijeme trajanja postupka i smanjiti broj neophodne dokumentacije.


Novim odredbama Zakona o gospodarskim društvima umanjuje se radno opterećenje zaposlenika nadležnih institucija, unapređuje kvaliteta procedure upisa u Registar i otklanjaju nedoumice oko nadležnosti za pojedine odredbe zakona", priopćili su iz Vlade.

Iako je prije javne rasprave u tekst zakona bio uvršten član koji kaže da član nadzornog odbora privatnog ili državnog poduzeća u Federaciji BiH ne može biti osoba starija od 65 godina, poslodavcima u FBiH ovo zakonsko rješenje nije nikako odgovaralo jer smatraju da je dobna granica za članove NO nepotrebna.

"Još nismo dobili prijedlog zakona, ali imali smo ranije razgovore sa ministrom energije, rudarstva i industrije Erdalom Trhuljem i njegovim suradnicima, gdje smo raspravljali o primjedbama poslodavaca na nacrt zakona i naišli na razumijevanje. Međutim, ne možemo komentirati taj zakon jer nemamo trenutno tekst usvojenog prijedloga zakona. Bilo je točaka koje nam nisu odgovarale, ali su nam ministar Trhulj i njegovi suradnici rekli da će najveći dio naših primjedbi biti usvojen. Još ne znamo da li je to obećanje ispunjeno", rekao je Safudin Čengić, predsjednik UO Udruženja poslodavaca FBiH.

Inače, između Federalnog zavoda za zapošljavanje, Udruženja poslodavaca u Federaciji BiH, Gospodarske komore Federacije BiH i Saveza samostalnih sindikata BiH potpisan je Memorandum o zajedničkom djelovanju na saniranju i ublažavanju šteta i očuvanju radnih mjesta. (Oslobođenje)

Podaci su preuzeti sa stranice; [Federalnog zavoda za statistiku](#)




**INDEKS CIJENA PROIZVOĐAČA INDUSTRIJSKIH PROIZVODA**

Indeksi cijena proizvođača industrijskih proizvoda u Federaciji BiH od 2011. godine su izračunati u skladu sa Klasifikacijom djelatnosti BiH 2010 (Službeni glasnik BiH br. 47/10) i Nomenklaturom industrijskih proizvoda Bosne i Hercegovine 2010 (Službeni glasnik BiH br. 12/11 i 41/11).

U saopćenjima i publikacijama u 2012. godini, koje se odnose na indekse cijena proizvođača industrijskih proizvoda, publikovani su samo indeksi za domaće tržište, a od januara 2013. godine se redovno mjesečno objavljuju: ukupan indeks cijena proizvođača industrijskih proizvoda, indeks za domaće tržište i indeks za inostrano/ inozemno tržište.

Posmatrano po oblastima, najveći rast indeksa cijena je registrovan/registriran kod Proizvodnje i snabdijevanja/opskrbe električnom energijom, gasom/plinom, parom i klimatizaciji za 9,5%. Najveći pad indeksa cijena je registrovan/registriran u oblasti Proizvodnje tekstila za 9,2%

Ukupan indeks cijena proizvođača industrijskih proizvoda u novembru/studenom 2013. godine u odnosu na isti mjesec prethodne godine niži je za 2,4%, a u odnosu na decembar/ prosinac 2012. godine niži je za 1,8%.



**ANKETA O RADNOJ SNAZI**

U 2013. godini stopa zaposlenosti je 30,3% (39,7% za muškarce i 21,3% za žene), što je više za 0,3 procentnih poena u odnosu na 2012. godinu kada je iznosila 30,0% (40,4% za muškarce i 20,3% za žene). Stopa zaposlenosti je najviša u starosnoj skupini 25 do 49 godina i iznosi 50,8%. Posmatrano prema djelatnostima najveći broj osoba zaposlen je u uslužnim djelatnostima, 54,5% od ukupnog broja zaposlenih.

Stopa anketne nezaposlenosti zabilježila je pad za 1,8 procentnih poena u odnosu na 2012. godinu. Stopa nezaposlenosti za muškarce opala je za 0,6 procentnih poena, a za žene za 3,8 procentnih poena. Kao i do sada stopa nezaposlenosti najviša je među mladim osobama starosti 15 do 24 godine i iznosi 58,9% (58,8% za muškarce i 59,1% za žene).

Stopa aktivnosti u 2013. godini je 41,8% (54,4% za muškarce i 29,8% za žene) što je niže za 0,6 procentnih poena u odnosu na prošlu godinu kada je bila 42,4% (55,9% za muškarce i 29,9% za žene). Stopa aktivnosti je najviša u starosnoj skupini 25 do 49 godina i iznosi 68,4%.



**INVESTICIJE, PRESJEK 2011-2012**


Federalni zavod za statistiku u ovom saopćenju objavljuje konačne podatke o investicijama za 2012. godinu.

Podaci su prikupljeni putem sljedećih istraživanja: - Godišnji izvještaj o investicijama u stalna sredstva (obrazac INV-01) za sve pravne osobe; - za oblast poljoprivrede individualnog sektora (poljoprivredna gazdinstva) podaci su prikupljeni putem općina, a bazirani/temeljeni su na procjenama općinskih komisija.

Nisu obuhvaćena investiciona ulaganja samostalnih poduzetnika i domaćinstava.

Podaci o investicijama prikazuju ukupne isplate za investicije po osnovnim oblicima finansiranja/financiranja, ostvarene investicije (nova i polovna/rabljena stalna sredstva) po tehničkoj strukturi i ostvarene investicije u nova stalna sredstva (nova i polovna/rabljena uvozna stalna sredstva) po tehničkoj strukturi.

Svi podaci su iskazani po područjima Klasifikacije djelatnosti BiH 2010, koja je usklađena sa evropskom klasifikacijom NACE Rev. 2, a pravne osobe su grupisane prema sjedištu i pretežnoj djelatnosti investitora (organizacioni princip).




**INDEKS UVOZNIH I IZVOZNIH CIJENA**

Federacija BiH je u novembru / studenom 2013. ostvarila izvoz u ukupnoj vrijednosti 454.154 hilj./tis. KM, što je za 8.438 hilj./tis. KM ili 1,8% manje u odnosu na oktobar / listopad 2013., odnosno za 4.741 hilj./tis. KM ili 1,0% manje u odnosu na novembar / studeni prethodne godine.

U istom mjesecu ostvaren je uvoz u vrijednosti 812.002 hilj./tis. KM, što je za 71.561 hilj./tis. KM ili 8,1% manje u odnosu na oktobar / listopad 2013., odnosno za 4.196 hilj./tis. KM ili 0,5% manje u odnosu na novembar / studeni prethodne godine.

U periodu januar – novembar 2013. izvoz je prosjeno svakog mjeseca rastao za 0,8% a uvoz je prosjeno rastao za 1,7%. Ueše Federacije BiH u ukupnom izvozu Bosne i Hercegovine za novembar / studeni 2013. je 64,5%, a u ukupnom uvozu 62,1%. U istom mjesecu procenat pokrivenosti uvoza izvozom u Federaciji BiH je 55,9% i veći je za 3,5% u odnosu na oktobar / listopad 2013. kada je pokrivenost iznosila 52,4%. Trgovinski deficit Federacije BiH za novembar / studeni 2013. iznosi 357.847 hilj./tis. KM. U novembru / studenom 2013. najviše se izvozilo u: Njemačku 94.514 hilj./tis. KM ili 20,8% ukupnog izvoza; Hrvatsku 54.195 hilj./tis. KM ili 11,9% i Italiju 49.235 hilj./tis. KM ili 10,8% ukupnog izvoza.



**INDEKS POTROŠAČKIH CIJENA**


U novembru/studenom 2013. godine ukupan indeks cijena proizvođača industrijskih proizvoda viši je za 1,0% u odnosu na prethodni mjesec. Posmatrano prema glavnim industrijskim grupacijama ukupan indeks cijena energije viši je za 4,9%, a trajnih proizvoda za široku potrošnju za 0,2%. Pad indeksa cijena je registrovan/registriran u grupaciji intermedijarnih proizvoda osim energije za 0,7%, kapitalnih proizvoda za 0,5% i netrajnih proizvoda za široku potrošnju za 0,4%. Posmatrano prema područjima KD-a, indeks cijena je viši za 9,5% u području Proizvodnje i snabdijevanja/opskrbe električnom energijom, gasom/plinom, parom i klimatizaciji, a u području Vađenja ruda i kamena i području Snabdijevanja vodom; uklanjanja otpadnih voda, upravljanja otpadom te djelatnosti sanacije okoliša za 0,3%. U području Prerađivačke industrije indeks cijena je niži za 0,6%. Posmatrano po oblastima, najveći rast indeksa cijena je registrovan/registriran kod Proizvodnje i snabdijevanja/opskrbe električnom energijom, gasom/plinom, parom i klimatizaciji za 9,5%.



**ZAPOSLENOST PO SEKTORIMA**

U mjesecu oktobru/listopadu 2013. godine ukupan broj zaposlenih u Federaciji BiH iznosio je 435.813, što predstavlja smanjenje broja zaposlenih za 0,1% u odnosu na septembar/rujan 2013. godine. U odnosu na godišnji prosjek broja zaposlenih u 2012. godini došlo je do smanjenja broja zaposlenih za 0,3%.

Prosječna mjesečna isplaćena neto-plaća po zaposlenom za oktobar/listopad 2013. godine, u Federaciji BiH, iznosi 845 KM, i nominalno je viša za 1,6%, a realno niža za 0,5% u odnosu na prethodni mjesec. U odnosu na isti mjesec prethodne godine prosječna mjesečna isplaćena neto-plaća po zaposlenom za oktobar/listopad 2013. godine nominalno je viša za 0,9%, a realno za 2,8%.



**PROSJEČNE NETO PLATE**



U d r u ž e n j e  
p o s l o d a v a c a

---

Mula Mustafe Bašeskije 12/3, 71 000 Sarajevo

Tel; +387 33 264 830

Fax; +387 33 264 831

E-mail; [info@upfbih.ba](mailto:info@upfbih.ba)

Web; [www.upfbih.ba](http://www.upfbih.ba)

<https://twitter.com/Poslodavci>